

## BƠ-ÀR PƠYOA ỚM RỪP MỪNG KỚ JĂNG

### *Pơnuai Jăng Ngă Groh*

<sup>1</sup> Pơnuai hũ mừng ớmrừp rơlau abih, la pơnuai tơnia buol dơhă hũ mớhữ, pơnuai mớta buol dơhă hũ 'buh, pơnuai buol dơhă hũ niăm-ớơ, sớng tợngàn buol dơhă hũ túp truh, nửn la Pơnuai pơnuai hớdiũ. <sup>2</sup> Pơnuai hớdiũ nửn hũ ràng-tợbiă. Buol dơhă hũ 'buh sớng ngă groh, nửn buol dơhă poto-akhàn tợ buol adợi-ai pơnuai hớdiũ rài pợdò rài; pơnuai hớdiũ rài pợdò rài nửn sớđau dò sớng Pô Yàng Ama, sớng ni hũ ràng-tợbiă tợ buol dơhă. <sup>3</sup> Buol dơhă mả pơnuai hũ 'buh, hũ mớhữ bloh poto-akhàn tợ buol adợi-ai, tô buol adợi-ai hũ pơnuai nau-mớrai pợgùm-pợtòm sớng buol dơhă, lăm tũ buol dơhă sớđau nau-mớrai pợgùm-pợtòm sớng Pô Yàng Ama, sớng Anà Pô la Yàng Jêsu Krist. <sup>4</sup> Buol dơhă wă du pơnuai ni tợ buol adợi-ai, tô pơnuai sớh-sài buol gudrợi hũ wỉl-tợl.

### *Yàng Pô Lợngi La Pơnuai Sợdah*

<sup>5</sup> Ni la pơnuai poto-akhàn buol dơhă hũ mớhữ mừng Pô sớng đờm akhàn wớ tợ buol adợi-ai, nửn la: Yàng Pô Lợngi la pơnuai sợdah, lăm Pô 'buh hũ sa-sít kợnăm-mớsrữ lợi. <sup>6</sup> Yah buol gudrợi đờm dợi hũ nau-mớrai pợgùm-pợtòm sớng Pô bloh sớđau dò yàm nau lăm pơnuai kợnăm-mớsrữ, nửn la buol gudrợi đờm lợr sớng 'buh ngă tui pơnuai-tợpă. <sup>7</sup> Bloh yah buol gudrợi yàm nau lăm pơnuai sợdah, kũng yờu rùp-phũn Pô dò lăm

pơnuai sordah, nửn buol gudroi hũ nau-mơrai pơgùm-potòm sớng gơi, sớng drah Yàng Jêsu, Anà Pô, pơsớch-goh abih tợgrở glài-sơnoh buol gudroi. <sup>8</sup> Yah buol gudroi đờm droi 'buh hũ glài-sơnoh, nửn buol gudroi pợng-gơla rùp-phũn droi wớ, sớng pơnuai-tợpă 'buh dò lăm buol gudroi. <sup>9</sup> Bloh yah buol gudroi akhàn-tợbiă glài-sơnoh droi, nửn Pô la Pơtau ngă tui iớu yờu pơnuai hũ đờm pơguăn, sớng la Pô rĩng-tợpă, rợi anit toh-luoi glài-sơnoh tợ buol gudroi, sớng ngă pơsớch-goh buol gudroi klàh mững tợgrở pơnuai mớsak-jờhà. <sup>10</sup> Yah buol gudroi đờm buol gudroi 'buh hũ glài-sơnoh hợgẽ, nửn buol gudroi broi Pô la mớnih đờm lờ, pơnuai Pô 'buh dò lăm buol gudroi.

## 2

*Yàng Jêsu Krist La Pô Đờng-Kờl Buol Gudroi*

<sup>1</sup> Ố du anà tít kou, kou wă tợ buol anà du pơnuai ni, tô buol anà 'buh ngă glài-sơnoh. Bloh yah hũ aràng sớ ngă glài-sơnoh, nửn buol gudroi hũ Pô Đờm-Đờng tợ anaũ Pô Yàng Ama, nửn la Yàng Jêsu Krist, Pô Rĩng-Tợpă. <sup>2</sup> Rùp-phũn Pô la phỡn cẽ-poyờ duh-dờlbăt tợbuh glài tợ buol gudroi, 'buh iớu mĩn kợyoya glài buol gudroi soh, bloh kũng kợyoya glài abih dun-ya rợi.

*Cợng-Grờh Mững Pơnuai Kràn-Thờu Yàng Jêsu Krist*

<sup>3</sup> Kợyoya pơnuai ni buol gudroi thờu lài droi hũ kràn thờu Pô: Nửn la buol gudroi pợng-bợbah pợng-rợmiă tợgrở pơnuai adăt-pợđăr Pô. <sup>4</sup> Mớnih lờ đờm: “Dờlhă thờu Pô,” bloh 'buh pợng-bợbah pợng-rợmiă du pơnuai adăt-pợđăr Pô, la mớnih đờm lờ, sớng pơnuai tợpă 'buh dò lăm mớnih nửn. <sup>5</sup> Bloh aràng sớ pợng-bợbah pợng-rợmiă pơnuai Pô, nửn pơnuai duh-rợnăm Yàng Pô Lợngi la wĩl-tợl biă lăm mớnih nửn. Kợyoya pơnuai nửn, buol

gudroi thour lài droi dò lăm Pô. <sup>6</sup> Aràng soi đòm droi dò lăm Pô, nũn kũng pãl ngã tui you rùp-phũn Pô hũ ngã.

*Adăt-Pođăr Bơhơu*

<sup>7</sup> Ở buol adoi-ai uõn-rơnãm, ni 'buh iõu la adăt-pođăr bơhơu dơlũa wã tơ buol adoi-ai, bloh la adăt-pođăr klã bloh buol adoi-ai hũ mũng tũ cõmrùp bojơ. Pơnuai adăt-pođăr klã ni la pơnuai buol adoi-ai hũ mớhữ. <sup>8</sup> Bloh nũn kũng la pơnuai adăt-pođăr bơhơu dơlũa khiãng wã tơ buol adoi-ai, la pơnuai tophã-tope lăm Yàng sớng lăm buol adoi-ai, koyoa pơnuai kơnãm-mớsrữ hũ làn thĩt bojơ, sớng pơnuai sớrdah biã dò pơsàng sớrdah.

<sup>9</sup> Aràng soi đòm lài droi dò lăm pơnuai sớrdah, bloh mớbai buol adoi-ai droi, nũn sớdaũ dò lăm pơnuai kơnãm-mớsrữ. <sup>10</sup> Aràng soi uõn-rơnãm buol adoi-ai droi, nũn dò lăm pơnuai sớrdah, sớng anih mớnih nũn 'buh hũ pơnuai hợgẽ ngã tô sớnẽ lờbuh lăm pơnuai sũng. <sup>11</sup> Bloh aràng soi mớbai tơ buol adoi-ai droi, nũn dò lăm pơnuai kơnãm-mớsrữ, yàm nau lăm pơnuai kơnãm-mớsrữ, sớng 'buh thour droi nau anih lời, koyoa pơnuai kơnãm-mớsrữ hũ ngã bồm mớta mớnih nũn.

*Pơnuai Poto-Kơkoi Klơu Rơh Mớnih*

<sup>12</sup> Ở du anà tít, kơu wã tơ buol anà, koyoa glài-sơnơh buol anà hũ gơnũm tơ angãn Yàng bloh hũ anĩt toh-luoi. <sup>13</sup> Ở du mớnih la ama, dơlũa wã tơ buol adoi-ai, koyoa buol adoi-ai hũ thour Pô hũ mũng tũ cõmrùp. Ở du mớnih dãm-dra, dơlũa wã tơ buol adoi-ai gơũ, koyoa buol adoi-ai gơũ hũ pha-jai rờlau tơ Satãn. <sup>14</sup> Ở du anà tít, kơu wã tơ buol anà, koyoa buol anà hũ thour Pô Yàng Ama. Ở du mớnih la ama, dơlũa wã tơ buol adoi-ai, koyoa buol adoi-ai hũ thour Pô hũ mũng tũ cõmrùp. Ở du mớnih dãm-dra, dơlũa wã tơ buol adoi-ai gơũ, koyoa buol adoi-ai gơũ la du mớnih

pràn-khăng, pơnuai Yàng Pô Longì dò lăm buol adoi-ai gơu, sớng buol adoi-ai gơu hũ pha-jai rơlau tơ Satăn.

### *Juoi Rơnăm Dun-Ya*

<sup>15</sup> Juoi rơnăm dun-ya găm sớng tợgrở phớn dò lăm dun-ya. Yah aràng soi rơnăm dun-ya, nửn pơnuai duh-rơnăm Pô Yàng Ama 'buh dò lăm mớnih nửn. <sup>16</sup> Koyoa abih tợgrở mọtả lăm dun-ya, yơu pơnuai gah rùp-phàp drahr-ơlò hàm-khiăng, pơnuai mọtả hàm-khiăng, sớng pơnuai yeh-droi pơglòng-rùp mững phớn-bona droi hũ lăm rài ni; abih tợgrở pơnuai nửn 'buh truh mững Yàng Ama, bloh truh mững dun-ya. <sup>17</sup> Dun-ya găm sớng abih tợgrở pơnuai hàm-khiăng nũu rớu lớhiả, bloh aràng soi ngả tui hotai-khiăng Yàng Pô Longì rớu dò wớ rài pơdò rài.

### *Mớnih Tămdră-Wớ Sớng Pô Krist*

<sup>18</sup> Ố du anà tít, ni la jơ luỉ-dút! Buol anà hũ mớhữ đờm lài mớnih tămdră-wớ sớng Pô Krist pải truh, sớng tũ ni hũ lô mớnih tămdră-wớ sớng Pô Krist hũ truh bojơ. Koyoa nửn, buol gudroi thơu tũ ni la jơ luỉ-dút. <sup>19</sup> Guñu mững tởkrah buol gudroi bloh tobiả, bloh guñu 'buh iớũ la mớnih buol gudroi. Koyoa yah guñu la mớnih buol gudroi, nửn guñu hũ dò wớ sớng buol gudroi bojơ. Bloh guñu hũ tobiả nau, pơnuai nửn ràng-tobiả lài abih tợgrở mớnih nửn 'buh iớũ la mớnih buol gudroi.

<sup>20</sup> Bloh buol anà hũ lữ mớnhà koyoa Pô Sớchih-Sri, sớng abih buol anà hũ pơnuai wờng thơu pơnuai-tơpả. <sup>21</sup> Kou wả tơ buol anà, 'buh iớũ koyoa buol anà 'buh thơu pơnuai-tơpả, bloh koyoa buol anà thơu pơnuai-tơpả, sớng wờng lài 'buh hũ pơnuai hợgẻ lờ 'bớr tobiả mững pơnuai-tơpả. <sup>22</sup> Aràng soi la mớnih đờm lờ? Nửn la mớnih đờm lài Yàng Jêsu 'buh iớũ la Pô Krist. Nửn la rùp-phũn mớnih tămdră-wớ sớng Pô Krist, la mớnih 'buh păng-tui Pô Yàng

Ama sǝng Pô Yàng Anà. <sup>23</sup> Aràng sǝi kǝmlah 'buh pǎng-tui Pô Yàng Anà nǝn kǝng 'buh hũ Pô Yàng Ama. Aràng sǝi pǎng-tui ðò-mǎ Pô Yàng Anà nǝn kǝng hũ Pô Yàng Ama. <sup>24</sup> Mǝng pǝ-ơnah buǝl anà, pǎng-rǝmiǎ kǝjǎp bẻ tǝgrǝ pǝnuǎi hǝgẻ buǝl anà hũ mǝhũ mǝng tũ cǝmrừp ðò lǎm buǝl anà. Yah tǝgrǝ pǝnuǎi hǝgẻ buǝl adǝi-ai hũ mǝhũ mǝng tũ cǝmrừp sǝđǎu ðò mǝt lǎm buǝl adǝi-ai, nǝn buǝl adǝi-ai rǝu ðò lǎm Pô Yàng Anà sǝng lǎm Pô Yàng Ama. <sup>25</sup> Sǝng ni la pǝnuǎi bloh rừp-phũn Pô hũ ðòm pǝguǎn bǝrǝi tǝ buǝl gudrǝi: pǝnuǎi hǝđiũ rǝi pǝđò rǝi.

<sup>26</sup> Kou wǎ tǝ buǝl anà tǝgrǝ pǝnuǎi nǝn tǝ ðòm mǝng du mǝnih khiǎng pǝluǝ pǝng-gǝla buǝl anà. <sup>27</sup> Mǝng pǝ-ơnah buǝl anà, pǝnuǎi lũ mǝnǎ bloh buǝl anà hũ ðò-mǎ mǝng Pô sǝđǎu ðò lǎm buǝl anà, sǝng buǝl anà 'buh cǝng aràng sǝi pǝto dǝrǝi ơ. Kǝyoa pǝnuǎi lũ mǝnǎ Pô pǝto buǝl anà abih tǝgrǝ bruǎ, sǝng pǝnuǎi lũ mǝnǎ nǝn la tǝpǎ biǎ, 'buh iǝu lǝr 'bǝr. Kừ ðò bẻ lǎm Pô, ơu pǝnuǎi lũ mǝnǎ nǝn hũ pǝto buǝl anà.

<sup>28</sup> Sǝng tũ ni, ơ du anà tít kǝu, kừ ðò bẻ lǎm Pô, tǝ tũ Pô tǝbiǎ pǝ 'buh mǝta, buǝl gudrǝi rǝu hĩl-kǝjǎp hǝtai-hǝtiǎn sǝng 'buh mǝlǝu alah tǝ anaũ Pô, lǎm hǝrǝi Pô truh. <sup>29</sup> Yah buǝl anà thǝu Pô la rǝng-tǝpǎ, nǝn pǎl thǝu bẻ lǎi mǝnih lǝi ngǎ tui pǝnuǎi rǝng-tǝpǎ, nǝn la mǝnih kǝyoa Pô pǝjiǝng tǝbiǎ.

### 3

#### *Buǝl Gudrǝi La Du Anà Yàng Pô Lǝngì*

<sup>1</sup> Buǝl anà cǝ bẻ, Pô Yàng Ama hũ ướn-rǝnǎm buǝl gudrǝi la thǝu hǝđùm, Pô rǝnǎm tǝl truh bǝrǝi buǝl gudrǝi hũ ǎngǎn la du anà Yàng Pô Lǝngì. Biǎ ơu nǝn, buǝl gudrǝi la du anà Pô. Kǝđǎ hǝgẻ dun-ya 'buh thǝu buǝl

gudroi, nŭn la koyoa dun-ya 'buh thow Pô. <sup>2</sup> Ó buol adoi-ai uôn-rônăm, tũ ni buol gudroi la du anà Yàng Pô Lơngì; bloh buol gudroi rơũ hoyou lơi, pơnuai nŭn ka hũ ràng-tơbiã. Buol gudroi thow lài tũ Pô Krist tơbiã truh, buol gudroi rơũ mớhiở yơu Pô. Koyoa Pô hoyou lơi, nŭn buol gudroi rơũ 'buh Pô yơu nŭn. <sup>3</sup> Aràng sơi hũ pơnuai gơnừm-càng yơu nŭn lăm anih Pô, nŭn pãl gàr-rơmiã rùp-phũn droi tô goh-sơch, kũng yơu Pô la goh-sơch.

<sup>4</sup> Aràng sơi ngã glài-sơnoh la ngã pơnuai tãmdrã-wở sỡng pơnuai adăt-adia, koyoa glài-sơnoh la tãmdrã-wở sỡng adăt-adia. <sup>5</sup> Bloh buol adoi-ai thow lài Pô hũ tơbiã truh tô suã-prah glài-sơnoh, sỡng lăm Pô 'buh hũ glài-sơnoh lơi ơu. <sup>6</sup> Aràng sơi dò lăm Pô nŭn 'buh ngã glài-sơnoh; dò aràng sơi kừ ngã glài-sơnoh mĩt nŭn la mớnih lăm hotai-bơngã ka tũ lơi 'buh sỡng ka wờng thow hợẽ mững Pô.

<sup>7</sup> Ó du anà tìt, juoi luoi aràng sơi pơluơ pỡng-gơla buol anà. Aràng sơi ngã pơnuai rĩng-tơpã la mớnih rĩng-tơpã, yơu rùp-phũn Yàng la Pô rĩng-tơpã. <sup>8</sup> Aràng sơi ngã glài-sơnoh, mớnih nŭn la mớnih kơmlài-jĩnràk, koyoa kơmlài-jĩnràk ngã glài-sơnoh mững tũ cởmrừp. Koyoa hợẽ Anà Yàng Pô Lơngì hũ tơbiã truh, la tô pơluĩ-pơlơhiã brũa kơmlài-jĩnràk. <sup>9</sup> Aràng sơi koyoa Yàng Pô Lơngì pơjiớng tơbiã, nŭn 'buh ngã glài-sơnoh, koyoa gãr-pơjeh Yàng Pô Lơngì dò lăm mớnih nŭn, sỡng mớnih nŭn 'buh rợơi kừ ngã glài-sơnoh mĩt, koyoa hũ Yàng Pô Lơngì pơjiớng tơbiã. <sup>10</sup> Pơnuai ni broi thow aràng sơi la du anà Yàng Pô Lơngì, sỡng aràng sơi la du anà kơmlài-jĩnràk: Aràng sơi 'buh ngã pơnuai rĩng-tơpã nŭn 'buh iơũ la anà Yàng Pô Lơngì, sỡng mớnih lơi 'buh rônăm buol adoi-ai droi kũng yơu nŭn rơi.

*Buol Gudroi Pãl Rônăm Gỡũ*

<sup>11</sup> Ni la pơnuai poto-akhàn bloh buol anà hũ păng-mohữ mững tũ cômrụp, nũn la buol gudroi pāl ụn-rơnăm duã goũ. <sup>12</sup> Juoi yơu Kain, la mơnih găm sớng komlài-jĩnrak sớng hũ pơmotai adoi droi. Koda hogẽ Kain pơmotai adoi droi? Koyoa tợgrở bruã nũ ngã la mớsak-johà, dò du bruã adoi nũ ngã la rĩng-tợpã. <sup>13</sup> Ở buol adoi-ai, yah dun-ya mớbai-lợmũ tợ buol adoi-ai, nũn juoi mã ngã kroi-takotuã. <sup>14</sup> Buol gudroi thơu lài droi hũ sớrlèt klàh mững pơnuai mọtai bloh truh tợ pơnuai hodiũ, koyoa buol gudroi rơnăm adoi-ai droi. Aràng sớri 'buh rơnăm nũn dò lăm pơnuai mọtai. <sup>15</sup> Aràng sớri mớbai buol adoi-ai droi, la mơnih pơmotai mơnih. Sớng buol adoi-ai thơu lài 'buh sa aràng mơnih pơmotai mơnih lơi hũ pơnuai hodiũ rài pơdò rài dò lăm nũ. <sup>16</sup> Koyoa mững pơnuai ni buol gudroi thơu jĩớng hợyơu la ụn-rơnăm: Nũn la Yàng hũ prah-lợi pơnuai hodiũ Pô koyoa buol gudroi. Yơu nũn, buol gudroi kũng pāl prah-lợi pơnuai hodiũ droi koyoa buol adoi-ai droi rơi. <sup>17</sup> Yah aràng sớri hũ phỡn-bơna rài dun-ya ni, 'buh buol adoi-ai droi siốũ-kợđong bloh kớrlĩh hotai 'buh đợng kờl, nũn ngã hợyơu pơnuai ụn-rơnăm Yàng Pô Lợngi dò lăm mơnih nũn jĩớng? <sup>18</sup> Ở du anà tít, buol gudroi juoi ụn-rơnăm sớng pơnuai đờm sớng kàng dợlah soh, bloh pāl ụn-rơnăm sớng bruã ngã sớng pơnuai tợpã.

### *Pơnuai Kợjăp Họtai-Hotìan Păng-Tui*

<sup>19</sup> Koyoa pơnuai ni, buol gudroi thơu lài buol gudroi găm sớng pơnuai-tợpã, sớng hũ kợđong-lợngai hotai-hotìan tợ anaũ Pô <sup>20</sup> tũ hotai-hotìan buol gudroi yã 'buah buol gudroi. Koyoa Yàng Pô Lợngi la Pô prợng rợlau tợ hotai-hotìan buol gudroi, sớng Pô thơu abih tợgrở mota. <sup>21</sup> Ở buol adoi-ai ụn-rơnăm, yah hotai-hotìan buol gudroi 'buh yã 'buah buol gudroi, nũn buol gudroi

hũ kojăp-kơđờng hotai-hotiàn truh sỡng Yàng Pô Lỡngì. <sup>22</sup> Sỡng abih tỡgrỡ pỡnuai hỡgẽ buỏi gudrỡi yỏng, nủn buỏi gudrỡi rỡi đờ-mả hũ, koyoa buỏi gudrỡi pẵng-bớbah pẵng-rỡmiả du pỡnuai adăt-pớđẳr Pô sỡng ngả tỡgrỡ pỡnuai siàm hotai Pô. <sup>23</sup> Sỡng ni la pỡnuai adăt-pớđẳr Pô: Buỏi gudrỡi pẳl pẵng-tui truh angẵn Anà Pô la Yàng Jêsu Krist, sỡng buỏi gudrỡi pẳl uỡn-rỡnẵm đũa gỡu, yờu Pô hũ poto-pớđẳr buỏi gudrỡi. <sup>24</sup> Arằng sỡi pẵng-bớbah pẵng-rỡmiả tỡgrỡ pỡnuai adăt-pớđẳr Pô, nủn dò lẵm Pô, sỡng Pô dò lẵm mớnih nủn. Buỏi gudrỡi thỡu Pô dò lẵm buỏi gudrỡi, la gỡnủm tỡ Bỡngả Sớchìh-Sri bloh Pô hũ bỡi tỡ buỏi gudrỡi.

## 4

*Pẳl Lỏng Du Bỡngả Gớdrủh*

<sup>1</sup> Ở buỏi adỡi-ai uỡn-rỡnẵm, juỏi pẵng-tui abih tỡgrỡ bỡngả gớdrủh, bloh pẳl lỏng ỡr du bỡngả gớdrủh nủn hũ truh mỡng Yàng Pô Lỡngì ỡu. Koyoa hũ lô mớnih gỡnuảr-hwỡr lỡr tobỉả truh lẵm dun-ya. <sup>2</sup> Koyoa pỡnuai ni, buỏi adỡi-ai krằn thỡu Bỡngả Sớchìh-Sri Yàng Pô Lỡngì: Bỡngả gớdrủh lỡi akhằn-tobỉả Yàng Jêsu Krist hũ mả rùp-phạp drah-rỏlo bloh tobỉả rài, nủn bỡngả gớdrủh nủn truh mỡng Yàng Pô Lỡngì. <sup>3</sup> Bỡngả gớdrủh lỡi 'buh akhằn-tobỉả Yàng Jêsu yờu nủn, bỡngả gớdrủh nủn 'buh iỡu truh mỡng Yàng Pô Lỡngì. Nủn la bỡngả gớdrủh mớnih tẵmdrả-wỡ sỡng Pô Krist, bloh buỏi adỡi-ai hũ mớhữ đờm lằi ñu rỡi truh, sỡng tũ ni ñu hũ truh lẵm dun-ya bỡjỡ.

<sup>4</sup> Ở du anà tít, buỏi anà la du mớnih gẵm sỡng Yàng Pô Lỡngì, sỡng hũ pha-jai rỏlau tỡ guủu, koyoa Pô dò lẵm buỏi anà la prỡng rỏlau tỡ gỡnuảr Satẵn dò lẵm dun-ya. <sup>5</sup> Guủu gẵm sỡng dun-ya, nủn đờm du bruả dun-ya, sỡng mớnih dun-ya pẵng guủu. <sup>6</sup> Buỏi gudrỡi la du anà



Yàng Pô Lơngì. Aràng soi thêu Yàng Pô Lơngì, nửn păng buol gudroi. Aràng soi 'buh găm sổng Yàng Pô Lơngì, nửn 'buh păng buol gudroi. Koyoa pơnuai ni, buol gudroi kràn thêu jởng bốngă gơdrưh pơnuai-tơpă sổng bốngă gơdrưh pơnuai sũng asũ.

*Yàng Pô Lơngì La Pơnuai Uởn-Rơnăm*

<sup>7</sup> Ở buol adơi-ai uởn-rơnăm, buol gudroi pãl uởn-rơnăm gơũ, koyoa pơnuai uởn-rơnăm truh mũng Yàng Pô Lơngì. Aràng soi uởn-rơnăm, nửn hũ pơjởng-tơbiã mũng Yàng Pô Lơngì sổng kràn thêu Yàng Pô Lơngì. <sup>8</sup> Aràng soi 'buh uởn-rơnăm, nửn 'buh kràn thêu Yàng Pô Lơngì; koyoa Yàng Pô Lơngì la pơnuai uởn-rơnăm. <sup>9</sup> Hơtai-hơtiàn Yàng Pô Lơngì uởn-rơnăm buol gudroi hũ ràng-tơbiã lăm pơnuai ni: Yàng Pô Lơngì hũ pơđăr Anà Sa Pô truh lăm dun-ya, tô buol gudroi gơnửm tơ Anà nửn bloh hũ hơdiũ. <sup>10</sup> Pơnuai uởn-rơnăm dò lăm pơnuai ni: 'Buh iởũ buol gudroi hũ rơnăm Yàng Pô Lơngì đơlhou, bloh la Pô hũ rơnăm buol gudroi đơlhou, sổng pơđăr rùp-phũn Anà Pô truh ngă phỡn cễ-poyờr duh-đơlbăt tơbuh glài tơ buol gudroi.

<sup>11</sup> Ở buol adơi-ai uởn-rơnăm, yah Yàng Pô Lơngì hũ rơnăm buol gudroi yơu nửn, buol gudroi kũng pãl rơnăm gơũ rơi. <sup>12</sup> Ka tũ lơi hũ aràng soi 'buh Yàng Pô Lơngì. Yah buol gudroi rơnăm gơũ, nửn Yàng Pô Lơngì dò lăm buol gudroi, sổng pơnuai uởn-rơnăm Pô hũ wĩl-tởl lăm buol gudroi. <sup>13</sup> Koyoa pơnuai ni buol gudroi thêu droi dò lăm Pô sổng Pô dò lăm buol gudroi, nửn la Pô hũ broi Bốngă Sợch-Sri Pô tơ buol gudroi. <sup>14</sup> Buol đơlhã hũ 'buh sổng ngă gơh lài Pô Yàng Ama hũ pơđăr Anà Pô truh ngă Pô Đổng Pơklàh dun-ya. <sup>15</sup> Abih tơgrỡ mơnih lơi akhàn-tơbiã Yàng Jêsu la Anà Yàng Pô Lơngì, nửn Yàng Pô Lơngì dò lăm mơnih nửn, sổng mơnih nửn dò lăm Yàng Pô Lơngì.

<sup>16</sup> Buol gudroi hũ thơu sŏng păng-tui pŏnuai uŏn-rŏnăm Yàng Pô Lŏngì pioh tŏr buol gudroi. Yàng Pô Lŏngì la pŏnuai uŏn-rŏnăm, aràng soi dò lăm pŏnuai uŏn-rŏnăm, la dò lăm Yàng Pô Lŏngì, sŏng Yàng Pô Lŏngì dò lăm mŏnih nŭn.

<sup>17</sup> Koyoa pŏnuai ni, pŏnuai uŏn-rŏnăm hũ wĩl-tŏi lăm buol gudroi, tŏ buol gudroi hũ kojăp-kŏđŏng hotai-hotiàn lăm hŏroi ăhroŏna. Koyoa Pô hŏyŏu loi nŭn buol gudroi kŭng yŏu nŭn roi lăm dun-ya ni. <sup>18</sup> 'Buh hũ pŏnuai huŏi-kŏđa lăm pŏnuai uŏn-rŏnăm, bloh pŏnuai uŏn-rŏnăm wĩl-tŏi nŭn suă-prah pŏnuai huŏi-kŏđa. Koyoa pŏnuai huŏi-kŏđa nau sŏgŏu sŏng pŏnuai ngă glài, sŏng aràng soi huŏi-kŏđa nŭn 'buh hũ wĩl-tŏi lăm pŏnuai uŏn-rŏnăm. <sup>19</sup> Buol gudroi uŏn-rŏnăm, koyoa Yàng hũ uŏn-rŏnăm buol gudroi dŏl hŏu. <sup>20</sup> Yah aràng soi đŏm: “Dŏl hă rŏnăm Yàng Pô Lŏngì,” bloh mŏbai buol adŏi-ai dŏi, nŭn la mŏnih đŏm lŏr. Koyoa mŏnih loi 'buh rŏnăm buol adŏi-ai dŏi la du mŏnih dŏi 'buh jiŏng, nŭn 'buh rŏgŏi rŏnăm Yàng Pô Lŏngì la Pô dŏi 'bu 'buh jiŏng. <sup>21</sup> Buol gudroi hũ đŏ-mă mŭng anih Pô pŏnuai adăt-pŏđăr ni: Aràng soi rŏnăm Yàng Pô Lŏngì, nŭn kŭng păl rŏnăm buol adŏi-ai dŏi roi.

## 5

### *Buol Gudroi Pha-Jai Rolau Dun-Ya*

<sup>1</sup> Aràng soi păng-tui Yàng Jêsu la Pô Krist, nŭn hũ pŏjiŏng tobiă koyoa Yàng Pô Lŏngì, sŏng aràng soi rŏnăm Yàng Pô Lŏngì la Pô hũ pŏjiŏng-tŏbiă, nŭn kŭng rŏnăm mŏnih hũ Pô nŭn pŏjiŏng-tŏbiă. <sup>2</sup> Koyoa pŏnuai ni buol gudroi thơu dŏi uŏn-rŏnăm du anà Yàng Pô Lŏngì: Nŭn la buol gudroi uŏn-rŏnăm Yàng Pô Lŏngì sŏng ngă tui du pŏnuai adăt-pŏđăr Pô. <sup>3</sup> Duh-rŏnăm Yàng Pô Lŏngì nŭn la păng-bŏbah păng-rŏmiă du pŏnuai adăt-pŏđăr Pô, sŏng

pơnuai adăt-pơđăr Pô 'buh iơũ la traũ ơu. <sup>4</sup> Koyoa aràng sơi hũ Yàng Pô Lơngì pơjiơng-tơbiã, nữn pha-jai rơlau dun-ya, sớng pơnuai ngã tơ buớ gudrơi pha-jai rơlau dun-ya, nữn la pơnuai păng-tui buớ gudrơi. <sup>5</sup> Aràng sơi la mớnih hũ pha-jai rơlau dun-ya, yah 'buh iơũ la mớnih păng-tui Yàng Jêsu la Anà Yàng Pô Lơngì ơu?

<sup>6</sup> Yàng Jêsu Krist la Pô hũ truh koyoa ia sớng drah, 'buh iơũ mĩn koyoa ia soh, bloh koyoa ia sớng drah. <sup>7</sup> Rùp-phũn Bơngã Sớchih-Sri ngã gơrơ, koyoa Bơngã Sớchih-Sri la pơnuai-tơpã. <sup>8</sup> Hũ klơu pơnuai ngã gơrơ: Bơngã Sớchih-Sri, ia sớng drah. Abih klơu gãm sớng gơũ ngã gơrơ mững sa bruã. <sup>9</sup> Yah buớ gudrơi đờ-mã pơnuai ngã gơrơ jơi anà mớnih, nữn pơnuai ngã gơrơ Yàng Pô Lơngì la pờng-màng rơlau. Koyoa ni la pơnuai Yàng Pô Lơngì ngã gơrơ mững Anà Pô. <sup>10</sup> Aràng sơi păng-tui Anà Yàng Pô Lơngì, mớnih nữn hũ pơnuai ngã gơrơ nữn lăm hotai-hotiàn. Aràng sơi 'buh păng-tui Yàng Pô Lơngì, nữn bơi Pô la mớnih đờm lờ, koyoa 'buh păng-tui pơnuai bloh Yàng Pô Lơngì hũ ngã gơrơ mững Anà Pô. <sup>11</sup> Ni la pơnuai ngã gơrơ: Yàng Pô Lơngì hũ bơi pơnuai hơdiũ rài pơdò rài tơ buớ gudrơi, sớng pơnuai hơdiũ ni dò lăm Anà Pô. <sup>12</sup> Aràng sơi hũ Pô Yàng Anà nữn hũ pơnuai hơdiũ; aràng sơi 'buh hũ Anà Yàng Pô Lơngì nữn 'buh hũ pơnuai hơdiũ.

### *Pơnuai Hơdiũ Rài Pơdò Rài*

<sup>13</sup> Dơihã wã du pơnuai ni tơ buớ adơi-ai, la du mớnih păng-tui lăm angãn Anà Yàng Pô Lơngì, tồ buớ adơi-ai thơu lài buớ adơi-ai hũ pơnuai hơdiũ rài pơdò rài.

<sup>14</sup> Ni la pơnuai nìn-kơjăp biã bloh buớ gudrơi hũ tơ anaũ Pô: Nữn la yah buớ gudrơi tui hotai-khiăng Pô bloh lờkơu-yòng pơnuai hơgẽ, nữn Pô păng buớ gudrơi.

<sup>15</sup> Sớng yah buớ gudrơi thơu Pô păng abih tơgrữ pơnuai

hogě buol gudroi yòng-ləkou, nǔn buol gudroi thou buol gudroi hũ ðò-mă pɔnuai droi ləkou-yòng bɔjɔ.

<sup>16</sup> Yah aràng sɔi 'buh buol adɔi-ai droi ngă sǔng glài, bloh glài nǔn 'buh truh tǔl mətai, nǔn ləkou-yòng bɛ, sǔng Yàng Pô Lɔngì rǔi broi pɔnuai hɔdiũ tɔ mɔnih nǔn. Dɔlhă ðòm truh du mɔnih bloh glài 'buh truh tǔl mətai. Kǔng hũ glài ba truh pɔnuai mətai, dɔlhă 'buh pɔđăr buol adɔi-ai pǎl iou-lài tɔ glài ni. <sup>17</sup> Abih tɔgrǔ pɔnuai 'buh rǔng-tɔpǎ la glài-sɔnoh, bloh kǔng hũ glài 'buh truh tǔl mətai.

*Pɔnuai Tɔluĩ Bɔ-àr Pɔyɔa*

<sup>18</sup> Buol gudroi thou lài aràng sɔi hũ Yàng Pô Lɔngì pɔjiǔng-tɔbiă, mɔnih nǔn 'buh ngă glài-sɔnoh, bloh hũ Pô kɔyɔa Yàng Pô Lɔngì pɔjiǔng-tɔbiă ɔɔ-gàr mɔnih nǔn, sǔng kɔmlài-jǔnràk 'buh tǔp truh mɔnih nǔn jiǔng.

<sup>19</sup> Buol gudroi thou droi la du anà Yàng Pô Lɔngì, sǔng abih dun-ya la dò tɔ ala gɔnuăr kɔmlài-jǔnràk apăn-akô.

<sup>20</sup> Buol gudroi thou lài Anà Yàng Pô Lɔngì hũ truh, sǔng broi pɔnuai wòng thou tɔ buol gudroi, tɔ buol gudroi thou Pô la Pô tɔpǎ-tɔpe, sǔng buol gudroi dò lăm Pô tɔpǎ-tɔpe, nǔn la dò lăm Anà Pô la Yàng Jêsu Krist. Rùp-phũn Pô la Yàng Pô Lɔngì tɔpǎ-tɔpe, sǔng la pɔnuai hɔdiũ rài pɔdò rài. <sup>21</sup> O du anà tìt, gàr-rɔmiă bɛ rùp droi mǔng rǔp-ràk!

## Chru

### Chru: Chru (New Testament)

Copyright © 2020 Wycliffe Bible Translators, Inc.

Language: Chru

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 9 Feb 2021 from source files dated 6 Feb 2021

29890c73-845e-5b2d-84d7-4d631546315a